



Anthon Frederiksen, Inatsisartuni ilaasortaq, Partii Naleraq
/-Maani

Indgået

14 MAR. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Akiitsunik isumakkeerinnittarneq pillugu § 37-ikkut apeqqummut akissuteqaat

Asasara Anthon Frederiksen

Inatsisartut suleriaasianni § 37 imm. 1 naapertorlugu apeqqummik tulliuttumik saqqummiussaqaqsimavutit:

Inuit Namminersorlutik Oqartussanut akiitsoqalersimasut, akiliisinnaassuseerusimasullu, akiitsuminnik isumakkeerfigineqarsinnaanermittut periarfissaqarpat?

Soorunami aallaavik unaasariaqarpoq tamatta pisortanut akiitsuvut akilertariaqarivut, apeqqutaatinngit akiitsut meeqqanik paaqqinnittarfinni inissanut akiligassaanersut imaluunniit akileraarutinut akiitsuunersut. Arlalinnili pisoqartarsinnaavoq, taakkunani inuit ima inissisimalersinnaasartut akiitsuminnik taarsersuullutik akiliisinnaanissaat ajornarluinalersarluni. Taamaattumik inatsisiliornikkut akiitsut isumakkeerneqarsinnaanerinut arlalinnik periarfissaqarpoq.

Taamaasiorsinnaanermut nalinginnaasumik periarfissaq akiitsunik suujunnaarsitsisarneq pillugu akiliisinnaajunnaarneq pillugu inatsimmi malittarisassani nassaassaavoq.

Akiitsunik suujunnaarsitsisarnermi akiitsoqartup pisortanut namminersortunullu akiitsui pineqarput. Akiitsunik suujunnaarsitsinissamat piumasaqaataasut ukuupput akiitsulimmik uppersarsarneqassasoq, ukiuni qaninnerpaani akiitsulimmit akiitsutigut pisussaaffigisat akilersinnaaneqanngitsut, kiisalu akiitsulimmit pissutsit atugaasut oqaatigigaat akiitsunik suujunnaarsitsisoqartariaqartoq. Akiitsunik suujunnaarsitsisinnaanermut inatsitigut aalajangiineq Kalaallit Nunaanni Eqqartuussivimmit aalajangiunneqartarpoq imaassinnaallunilu akiligassallip akiitsui annikillisinneqarsinnaasut imaluunniit taamaatinneqarsinnaasut. Akiitsunik suujunnaarsitsinermut nalinginnaasumik periarfissap sanniatiqut inatsisiliornikkut arlalitsigut suli periarfissaqarpoq Namminersorlutik Oqartussanut akiitsunik isumakkeerfigineqarsinnaanermut. Assersuutitut oqaatigineqarsinnaavoq, akileraarutinik isuma-ginninneq pillugu Inatsisartut inatsisaat naapertorlugu akileraarutitigut akiitsut isumakkeerneqarsinnaanerinut periarfissaqarmat. Aamma Namminersorlutik Oqartussanit inissianut taarsigassarsinermut tunngatillugu akiitsunik isumakkeerneqarsinnaanermut periarfissaqarpoq, kiisalu nunalerinermik inuussutissarsiornerup siuarsarneqarnissaa pillugu Inatsisartut inatsisaat naapertorlugu nunalerinerup tungaatigut inuussutissarsiornerup siuarsarneqarnissaanut taarsigassarsianik isumakkeerneqarsinnaanermut periarfissaqarpoq. Assersuutitut taaneqartut tamakkiisuunngillat tassami immikkoortuni inatsisiliornerni allani aamma periarfissaqarmat akiitsunik assigiinngitsunik isumakkeerneqarsinnaanissamat.

Taamaasillunga uppersarsarsinnaavara, inunnut akiliisinnaassuseerussimasunut akiitsunik isumakkeerneqarsinnaanermut periarfissanik peqarmat, aammalu periarfissat tamakku immikkoortuni inatsisiliornerni assigiinngitsuni ilaatigut nassaassaammata.

Allakkap ullulernerqarfia:
10-03-2016
Suliap nr. 2016 - 4422
All. nr.: 2273294

P. O. Box 1037
3900 Nuuk
Oqarasuaat +299 34 50 00
Nassitsigasuuaat (+299)34 63 50
E-mail: oed@nanoq.gl
www.naalakkersuisut.gl

Taamaattumik neriutigaara, akissutiga tamakkiisutut isiginnaassagit.

Inussiarnersumik inuulluaqqusillunga.

Randi Vestergaard Evaldsen